

ՀԱՅՈՑ ՀԱՄԱԶԳԱՅԻՆ ՇԱՐԺՄԱՆ ՎԱՐՉՈՒԹՅԱՆ ՀԱՅՏԱՐԱՐՈՒԹՅՈՒՆԸ

ԱՄՆ-ի սենատի արտաքին գործերի հանձնաժողովի ընդունած բանաձևը լրացուցիչ հաստատումն է այն ակնհայտ իրողության, որ Լեոնային Ղարաբաղի հայության ինքնորոշման խնդիրը լիովին ամփոփվում է միջազգային իրավունքի սահմաններում և այդ պատճառով վերաբերում է միջազգային պարտավորություններ ստանձնած բոլոր պետությունների:

Համամարդկային արժեքների վրա հիմնված արդի միջազգային քաղաքականությունը չի կարող անտարբեր ման գնել ազգերի ինքնորոշման իրավունքի կոպիտ ոտնահարման փաստի կողմնահարման փաստի կողմում, մանավանդ, երբ այն ուղեկցվում է հայ ժողովրդի դեմ կիրառվող բիրտ բռնությունների շարունակական շրջափառով: Սուսգայության եղեռնը, Բաքվի և Կիրովաբադի արյունալի դեպքերը, հայ բնակչության բռնի տեղահանումները, Լեոնային Ղարաբաղի և Հայաստանի շրջափակումը, ինչպես նաև խորհրդային բանապետ կողմից հայ ժողովրդի դեմ ձեռնարկված անարեկչական գործողությունները դուրս են գալիս Խորհրդային Միության ներքին գործերի շրջանակից, հանդիսանալով ողջ քաղաքակիրթ աշխարհի ուշադրության առարկան:

Ինչ վերաբերում է նշված բանաձևի առթիվ ԽՍՀՄ արտաքին գործերի մինիստրության հայտնած պաշտոնական բողոքին, ապա այն իր հերթին հաստատումն է մի այլ ակնհայտ իրողության, որ Խորհրդային Միությունը դեռևս հեռու է իրավական պետություն դառնալու և իր իսկ ըստանձնած միջազգային պարտավորությունները հարգելու մտքից: Նման արձագանքն առնվազն արտաոտոց է մի պետության համար, որ հավանում է Նամիբիայի, Նիկարագուայի, Պաղեստինի և այլ ժողովուրդների ինքնորոշման իրավունքի պաշտպանի դերին, ուստի այն իրավացիորեն կասկած է հարուցում նաև այդ դերի անկեղծությանն ակտիվ մամբ: Մյուս կողմից, ԽՍՀՄ արտաքին գործերի մինիստրության պաշտոնական բողոքում

փորձ է արվում մոլորության մեջ գցել միջազգային հասարակական կարծիքը՝ խեղաթյուրելով իրականությունը: Այսպես, նշվում է, որ «ադրբեջանական և հայ ժողովուրդների ներկայացուցիչների, հանրապետական և կենտրոնական իշխանությունների կողմից ջանքեր են գործադրվում Լեոնային Ղարաբաղի լարված իրավիճակը կարգավորելու ուղղությամբ», մինչդեռ հայտնի է, որ ադրբեջանական և կենտրոնական իշխանությունները այդ ուղղությամբ կիրառում են միայն բռնության քաղաքականություն: Կամ՝ «Լեոնային Ղարաբաղում արդեն ուրվագծվում են իրավիճակի կարգավորման մի-

տումներ», մինչդեռ իրականում շարունակվում է մարզի լիակատար տնտեսական շրջափակումը՝ ուղեկցված ադրբեջանական կողմի հրահրիչ գործողություններով: Այսպիսով, ԽՍՀՄ արտաքին գործերի մինիստրության բողոքը հանդիսանում է կենտրոնական իշխանությունների կողմից հայ ժողովրդի դեմ կիրառվող բռնի ուժի քաղաքականության տրամաբանական շարունակությունը. դրանով Լեոնային Ղարաբաղի և Հայաստանի տնտեսական շրջափակմանը այժմ պարզապես գումարվում է Ղարաբաղի խնդրի քաղաքական շրջափակումը: Նթե ամերիկյան սենա-

տի հանձնաժողովի որոշումը ԽՍՀՄ արտաքին գործերի մինիստրության բողոքում դիտվում է որպես միջամտություն Խորհրդային Միության ներքին գործերին, ապա այդ բողոքն իր հերթին հանդիսանում է Հայաստանի Հանրապետության սուվերեն իրավունքների և Լեոնային Ղարաբաղի ինքնորոշման իրավունքի կոպիտ ոտնահարում, քանի որ այն ոչ միայն չի արտահայտում հայ ժողովրդի կամքը, այլև լիովին հակասում է նրա ազգային շահերին: ՀՀԹ-ի վարչությունը պահանջում է, որ ՀԽՍՀ Գերագույն խորհուրդը իր առաջիկա նստաշրջանում անդրադառնա այս հարցին՝ ընդունելով այնպիսի որոշում, որը հետագայում բացառի ԽՍՀՄ արտաքին գործերի մինիստրության հայտարարությունները հայ ժողովրդի անունից: